

3 السحر وكرهية النص من نواقض كلمة التوحيد | الشيخ شوقي

عبد الصادق

شوقي عبدالصادق

الحمد لله والصلاة والسلام على سيدنا رسول الله وعلى اله وصحبه ومن والاه وبعد سلام الله عليكم ورحمته وبركاته ثم اما بعد تستأنف ان شاء الله الحديث حول نواقض لا اله الا الله - [00:00:02](#)

ومع الناقض الخامس من هذه النواقض. الا وهو من ابغض شيئا مما جاء به النبي صلى الله عليه وسلم ولو عمل به يبغض الشيء ويعمل بي لا ينفعه لا اله لا تنفعه لا اله الا الله - [00:00:28](#)

فابغض شيئا مما جاء به النبي صلى الله عليه وسلم فقد نقض لا اله الا الله ولم تنفعه حتى لو عمل بهذا الشيء لماذا فانه يجب ان نرضى ونحب كل ما جاء به النبي صلى الله عليه وسلم وان لم نعمل به نحبه - [00:00:53](#)

ولنبغضه قال رب العزة في سورة محمد وسورة محمد تكرر فيها الكلام كثيرا عن المنافقين والذين كفروا فتعسا لهم واذل اعمالهم ذلك بانهم كرهوا ما انزل الله فاحبط اعمالهم دي واضحة قوي في اللي ايه؟ في الكفرة - [00:01:20](#)

المنافقين ما يقلوش عنهم المنافقون كفر ايضا. ليه لطاعتهم الكافرين الذين كرهوا ما انزل الله يبقى المنافقون كفرة بسبب ايه بسبب طاعتهم اسباب كسيرة منها طاعة الكافرين الكارهين لما انزل الله - [00:01:53](#)

قال تعالى ان الذين ارتدوا على ادبارهم من بعد ما تبين لهم الهدى الشيطان سول لهم واملى لهم. ذلك بانهم قالوا قالوا للذين كرهوا ما نزل الله. مين هم الكافرون ذلك بانهم قالوا للذين كرهوا ما نزل الله سنطيعكم في - [00:02:25](#)

بعض الامر والله يعلم اصراره يبقى دول مين المنافقون اذا كرهوا زي الكافرين تماما وبعدين هنعرف ان هم فعلا فيه كره واضح اصلا. فيه كره واضح. واضح منهم هم. مش عشان ان هم اطاعوا - [00:03:01](#)

الذين كرهوا ما انزل الله هم نفسهم كرهوا ما انزل الله المنافقون كارهون للدين كلية وللجنة. قال تعالى لقد ابتغوا الفتنة من قبل وقلبوها لك الامور حتى جاء الحق باللي قلبه - [00:03:24](#)

المنافقون وحتى جاء الحق وظهر امر الله وهم ايه يا اليهود كارهون ماذا كارهون امر الله وما يحبوش انه ايه؟ انه يزهر ما بيحبوش امر الله يزهر المنافقون ناس بتصلي وبتصوم - [00:03:49](#)

مسألة يا اخواننا في منتهى الخطورة بيصلوا وبيصوموا وبينفقوا ولكن تدهين الدين اصلا. الله امل بيصلوا ليه؟ او مال يعني ما يصلوش يعني ولا جمعة ولا سبت كده ولا ولا اي ناس بيزهروا فيها هيبقى شكلهم وحش - [00:04:16](#)

وراحتهم وحشة وهينكشف هم عاوزين برضو يبقوا مسلمين. وبرضه ناس طيبين عارفين ربنا برضه فكان ايام النبي بيعملوا كده برضو بيصلوا وبينفقوا قال رب العزة طبعا الكلام ده كله لا ينظلي على الله. ينظلي علينا احنا اه - [00:04:38](#)

يقوم طالع علينا ممكن ينظالي علينا لسه ما اعرفش مدى صحة الخبر بس اكيد صحيح على اليوتيوب. يقول لك واحد شيخ وطلع جاسوس يهودي وبيخطب طب وهنمسكها ازاى دي؟ يبقى ده شغلانة بيضا - [00:05:02](#)

جاسوس ويهود وبيخطب وهنعمل فيه ايه ده بقى؟ ده في فلسطين هناك يعني في فلسطين. ويندس في وسط المجاهدين ويطلع بقى الاخبار ها في وسط المجاهدين ويعرف التايهة بقى لان الراجل الراجل طب هتعرفها ازاى ده شغلانة بيضا بقى - [00:05:19](#)

نسأل الله السلامة فهنا رب العزة يقول وما منعهم ان تقبل منهم نفقاتهم. الله! ده فيه نفقة اهو في نفقة ولا ما فيش؟ في وما منعهم ان

تقبل منهم نفقاتهم. الا انهم كفروا بالله وبرسوله - [00:05:41](#)

ولا يأتون الصلاة الا وهم كسالى ولا ينفقون الا وهم كارهون وما فيش قضية شاغلاهم اصلا هينفق ليه؟ ويضحى ليه الا وهم كارهون.

فيبقى كره ما انزل الله ده يطلع الانسان من الاسلام - [00:06:08](#)

والمنافقون بيكرهوا ما انزل الله. نفاق العمل يقف امام الله انما المنافق نفاق آآ قصدي النفاق العقدي ان منافق نفاق عملي بمعنى ايه؟

اذا حدس كزا وازا وعد اخلف وازا اوأتمن خان ده مسلم كويس ومؤمن - [00:06:31](#)

بس فيه صفات من المنافقين نفاق عملي ما يكفروش بيحب لا اله الا الله وبيحب اهلها بس بقى بحكم اكل العيش بيكذب آآ عنده

يعني فجور في الخصومة مسلا يعني بيخلف - [00:06:50](#)

عافانا الله واياكم اغلب الصنعية كده يخلف ليه؟ عشان اهو بيربط ده وبيربط ده بيخلف المواعيد. هل بقى الراجل ده بقى لا اله الا

الله راحت منه لا وده مش نفاق عقيدة دي نفاق عمل. نفاق عمل بيخلف - [00:07:08](#)

انا جاي لك بكرة وهو اصلا مش جاي لك ليه؟ لانه واحد ظهر له قال لك ده انا ايه ربطته وخلص ما تربط ده بدل واحد تاني بياخده

مني فيقول لك انا جاي لك - [00:07:27](#)

بطلبك يوم ولا اتنين يقوم سايبك والتاني يقعد يشتم ويشتم فيه يروح يرضيه وانت تقعد تزعق يروح يرضيك يطلع واحد تالت

يسبكم انتم اللاتنين واخذ بالك فده اسمه نفاق ايه ها - [00:07:42](#)

عملي انما هو بيحب لا اله الا الله وبيحب اهلها وبيحب ما انزل الله. بس اهو بقى عاوز يعني يتزبط شوية اللي كارهين لي الشرع دول

يا جماعة مش من النهاردة ده من زمان من ايام من ايام سيدنا نوح. اللي بيكرهوا الشرع دول واللي بيكرهوا ما انزل الله من يمسخهم

مش هيخلصوا - [00:07:56](#)

موجودين على طول الخط ناس بتكره الشرع فعلا بيكرهوا ويبقى يوم اسود لو طبق الشرع. طبق ليه؟ وليه كده يعني ويبقى يعني

يوم الحزن والحداد انه يقام دين الله سبحانه وتعالى. طب يا راجل انت مسلم - [00:08:18](#)

يقول لك لا اسلام دخلوه في المساجد. ما لوش علاقة بحياة الناس حد هيسكت صلوا وتصوموا؟ ما حدش هيشكو فما بتدخلوش في

ايه بحيات الناس وشؤون الناس وشؤون البيع والشراء والسياسة والقضاء وكله لأ خليكم تعبدوا ربنا وخلص - [00:08:41](#)

باقول لك من ايام سيدنا نوح يقول لقومه ايه؟ قال يا قوم ارايتم ان كنت على بينة من ربي. اللي هي نزلت عليه رسالة

على بينة من ربه واتاني ايه؟ رحمة من عنده. فعميت عليكم انلزمكم - [00:09:01](#)

امور وانتم لها ايه؟ شفتهم كارهين مش عاوزينا مش عاوزين فالموضوع ده يعني من قديم اوي. ولزلك رب العزة سبحانه وتعالى هيلم

كل اللي كارهين للشرع في كل زمان المكان هيلمهم كلهم في جهنم - [00:09:21](#)

ويحاسبهم كلهم شكل بعض وهم بقى في النار بينادوا على مالك ونادوا يا مالك ليقض علينا ايه؟ ربه. قال انكم ما لقد جنناكم بالحق

بالرسالات لقد جنناكم بالحق ولكن اكثركم للحق ايه؟ اه - [00:09:42](#)

يبقى تبغض وتكره ما انزل الله على رسوله لا اله الا الله ما تنفكش يعني ايه برضو انت راجل عيشتك مسلا ربا اوعى تكره آيات الرب.

اوعى بتتكلم عن الربا اوعى تكرهها ويبقى نفسك تغمض عين وتفتح عين وتلاقي الايات دي ما عادتتش موجودة تاني - [00:10:12](#)

اوعى تسمعها؟ اه اسمعها. ده بس مش هطبقتها ولو ولو اوعى تكرهه تكره ما انزل الله دي يخرجك من لا اله الا الله طب انا مش هطبقي

دي مشكلة تانية. تقصير منك - [00:10:38](#)

سل الله سل الله ان يوفقك الى التطبيق انما الكراهية لأ انت مدمن خمر بتحب خمر بلاش لانكم مساكين بتدوخم المية الساقعة ماشي

بس انا بتكلم مش لكم لوحدكم واحد بيحب الخمر - [00:10:59](#)

بيحب السجاد. ها يلا اما اجي اقول لك دي من الخبائث ولا شوف الخبائث امال يعمل ايه وان هي بس مكروهة. الله! يعني هي برضو

مكروهة. ومين اللي كرهها؟ مين اللي كره البتاعة دي - [00:11:21](#)

ها مكروهة هي مكروهة. مكروهة من مين ها ما انت بتحبها. طب هي مكروهة من مين؟ يعني كلمة حرام دي يعني ما انتش عاوز

تقولها او مش انت تبلعها - [00:11:38](#)

فتقول مكروه. مين اللي كارها مش كده الله ورسوله اللي بيكرهوها طب وانت ليه تعمل حاجة الله ورسوله بيكرها فهمت الكلام اه اوعى الايات بتقول خلاص تقول يا رب تب علي. بس حلو اوي وتشرب مش هقول لك اشرب بس - [00:11:53](#)

رغم انك بتشرب بس قل يا رب تب علي. ما تكرهش الايه؟ ما تكرهش النص ما تكرهش اوعى تكره النص تكره النص دي يبقى خرجت من الملة. واحد من المشركين قبل ما يسلم - [00:12:14](#)

جاء الى رسول الله صلى الله عليه وسلم عن انس ان رسول الله صلى الله عليه وسلم قال لرجل الراجل بيقول له اسلم الرسول عليه الصلاة والسلام بيقول له اسلم قال اجدني كارها - [00:12:31](#)

فكاره الاسلام ده فقال له رسول الله صلى الله عليه وسلم اسلم وان كنت كارها ليه يا رسول الله؟ اللي هي الجماعة اللي بيقول لك لا اكراه في الايه؟ ربنا ياخدكم - [00:12:45](#)

ريحني منهم بيقولوها ليه؟ عشان يسبب اللي عاوز يطلع من الدين يطلع. اصل هم بيقولوها لان ما فيش اكراه. عاوز تقعد بتقعد عاوز تترك الدين اتركه حرية وبرضو الناس اللي برة ما تقعدش تزن على دماغهم سبهم براحتهم - [00:13:00](#)

ايه بقى ده الرسول بيقول لهذا الرجل اسلم. قال له انا كاره ما بحبش الدين ده. قال له اسلم ولو كنت وان كنت كارها. ليه لما تقرب منه هتحبه اسلم - [00:13:21](#)

اسلم كده واقرا النصوص وعيش الاسلام هتحبه هتحبه انت اه انا معك انت كارهه لانك مش عارف قيمته اسلم وان كنت ايه طب بالله عليكم اللي هو مسلم اصلا ومولود مسلم يكره بقى ولا يحب - [00:13:38](#)

اه اذا كان الرسول بيقول للي برة اسلم وان كنت كارها. ما بيكرهوش على الاسلام بس بيقول اسلم وان كنت كارها هو ما هو ما اعلنش حرب على الرسول ولو واقف عدو فهو موقف العداء مع الرسول لأ - [00:13:57](#)

مسالم مسالم فالرسول بيقول له اسلم وان كنت كارها لاني في النهاية هتحب الاسلام وهتستفيد به يبقى هذا الناقد مهم جدا وهو الا تبغض ولا تكره شيئا نزل على رسول الله او جاء به رسول الله - [00:14:13](#)

صلى الله عليه وسلم وزى ما قلت برضه قبل كده ممكن مسلا نساء يكرهوا ايات التعدد ما تكره جوزك عدل ما عدتش ما تكرهيش الاية مش كده؟ فانكحوا ما طاب لكم من النساء ها؟ مثني وثلاثي. يبقى كارها الاية دي - [00:14:33](#)

طب ليه وهيقول لك يا هيقول لي انا عاوز اطبقها قال يعني هو طبق كل حاجة بس ايه هو ما طبقتش كل حاجة بس هيطبق ده هيباس مسلا يعني اكراه الاية وتكره اللي قال له واللي تكره اللي قال له جائز وتكره اللي قال له حلال وتكره الله ايه الحكاية؟ لا -

[00:14:56](#)

لأ يا اخوانا كراهية النص مصيبة مخرجة من الدين ما نكرهش النص في تقصير في التنفيذ فيه نسأل الله ان يسد لنا. وحتى الرسول قال كده قال سدوا وقاربوا مش بتعملوا كل حاجة بس سدوا وقاربوا - [00:15:21](#)

فاحزر ان تكره اي نص لا كتاب ولا سنة يعني مسلا حديس الذبابة اذا وقع الزباب في ايه انا احدهم فليغمس ثم ايه؟ لينزع. فان في احد ايه؟ ووقع هي كوباية لبن واحدة اللي قدامك وما فيش غيرها لا قبلها ولا ونفسك - [00:15:43](#)

اطفي اللبن ووقعت الزبابة يبقى هابن عليك يعني الحديس جاي لنا منين الحديس ده نفسك تشرب الايه خلاص تقوم راميتها باللي فيه ليه بتطبق الحديس يا ريتته ما كان جه - [00:16:12](#)

صح ولا مش صح وواحد تاني بمنتهى الاريحية يقوم غمسها وشايلها لما بسم الله الذي لا يضر مع اسمه شيء في الارض ولا في السماء وهو السميع العليم شربها ولحس الكوباية كمان - [00:16:37](#)

تصديقا لمين؟ لكلام النبي. بقى انت يا اخويا شوية الهوا اللي بتتنفس شف ايه اللي فيهم؟ ولا الخضار اللي بتاكله؟ ولا اللحمية اللي بتاكلها؟ دي اسئلة بتيجي عجيبة. يقول لك العجل ببسألوا على الاضاحي - [00:16:56](#)

العجل مش عارف سنه ايه ووزنه ايه قل لهم يا عمهم ده معمول تحتيه بتاع ينفخ تنفخ الشاهد انت تحب اللي ورد كله حتى لو ما

طبقتش منه حاجات لما تكره نص واحد لأ - [00:17:13](#)

تكره ما هم المنافقون اهم بينفقوا والنفقة مش مقبولة وما منعهم ان تقبل منهم نفقاتهم الا انهم ايه كفروا بالله ورسوله خلاص ليه؟ لانهم بكارهين النص وكارهين الرسول وكارهين الموضوع كله. وما الهموا بقتله ليه؟ وهمه بما لم ينالوا - [00:17:36](#)

واخذ بالك لان كارهين الموضوع الناقد السادس من استهزأ بشيء من ديني الاسلام استهزأ بشيء يبقى فيه كراهية وفيه ايه استهزاء. ايهما ارقى في الفساد والضلال الاستهزاء بقى متلفز اهو الكراهية دي عمل قلبي - [00:18:02](#)

جواه لسه انما اللي استهزأها نطق وعمل حركات ويل لكل همزة لومزة ده ما اكتفاش بالايه؟ بالكراهية. لأ ده نطق وعبر وافصح استهزأ باي شيء جاء به الرسول او تستهزئ بثواب اللي جاء بها الرسول. الرسول جه مسلا قال لنا صلاة الجماعة فيها كزا وكزا. او اللي يعمل كزا ياخذ كزا كزا. قل ايه ده - [00:18:28](#)

معقول الكلام ده؟ ده كله كلام اه اوعى او يقول اللي هيعمل كزا يبقى عقابه كزا مسلا يعني يعني مسلا ايه النساء آآ لو ان مسلا حديس الرسول عليه الصلاة والسلام اذا دعاها زوجها الى الفراش فابت فايه - [00:18:58](#)

باتت تلعبها الملايكة تستهزأ بالكلام ده. ابعدها الملايكة دي ويعني على راسه ريشة وهيلعني عشان ده مش كده استهزاء بالسواب بالعقاب استهزاء بالشئ اوعى احزر ان تستهزئ بشيء من الدين - [00:19:21](#)

او ثواب الشئ ده او عقابه لان الله سبحانه وتعالى يقول اي عن المنافقين. كل كلامنا يا اخوانا عن الاصل اللي برة الكافر ده احنا هنا نقاش عند الكافر حاجة ده احنا بنناقش لا اله الا الله اللي عند مين؟ اللي عند المسلم. احنا هنقعد نناقش كلمة الكفر عند - [00:19:40](#)

كافر ما يبعش كلمة الايه؟ الايمان والاسلام عند المسلمين يحافزوا عليها ويخافوا عليها. وما ينقضوهاش فيقول رب العزة يحذر المنافقون اللي هم مين؟ صف في المسلمين. صف طابور موجود في المسلمين - [00:20:00](#)

يحذر المنافقون ان تنزل عليهم سورة تنبئهم بما في قلوبهم قل استهزئوا ان الله مخرج ما تحذروه. ولئن سألتهم ها ليقولن ان ما كنا نخوض ونلعب بنستهدف بنلعب بنسلي نفسنا - [00:20:18](#)

نخوض ونلعب. فييجي الرب ايه؟ قل ابالله واياته ورسوله كنتم تستهزئون؟ لا غيروا قد كفرتم بعد ايه يعني هدمتم لا اله الا الله اللي قتلوها وحميتوا بها انفسكم واموالكم واعراضكم - [00:20:45](#)

لا تعتزروا قد كفرتم ايه؟ بعد ايمانكم كانوا بيقولوها على السبيل الضحك على سبيل التسلية قالوا ايه؟ بعض الاثار يعني تقول قال احدهم ما رأينا مثل قرائنا هؤلاء ارجبنا بطونا - [00:21:10](#)

او ارجب بطونا ولاكذب السنن ولا اجبن عند اللقاء. يقصدوا مين؟ يقصدوا الرسول وحملة القرآن اللي معه جنباء عندهم نهم في الطعام والشراب وايه تاني؟ وبيكذبوا وبيكذبوا نزلت الاية ولئن سألتهم ليقولن ايه؟ انما كنا نخوض ونلعب سفر طويل لانه كان - [00:21:40](#)

في غزوة تبوك سفر طويل هنقطع السفر بايه؟ هنسلي نفسنا في السفر بايه؟ فبنتكلم. الله! طب ما تتكلموا اتكلموا بس ما لكوش مادة تتكلموا فيها الا مين الا القراء الا القراء. مين القراء؟ الحملة حملة القرآن مع الرسول صلى الله عليه وسلم - [00:22:11](#)

يقولوا قراؤنا ارجبنا بطونا اكزبنا السنة اجبنا عند اللقاء. طب ما تتكلموا على حد تاني لأ هم دول. طب ليه؟ عشان بايه؟ اللي جوة اصلا. فيه جوة شئ الاية اتقالت فوق يحذر المنافقون ان تنزل عليهم ايه؟ سورة. تنبئهم تطلع اللي فين؟ اللي في قلوبهم - [00:22:35](#)

فطبعا خلي بالك هم قالوا قراؤنا طب جابوا سيرة ربنا يعني قالوا الله كزا او قالوا الرسول يعتبر من قراؤهم. لان هو اللي معلمهم القراءة بس القرآن جه قال قل ابالله واياته ورسوله كنتم تستهزئون لان هتستهزئ بالقرآن يبقى استهزأت بالايه - [00:23:00](#)

اللي جاء بالقرآن اللي هو مين؟ الرسول عليه الصلاة والسلام. وهتستهزأ بالقرآن واللي جاء بالقرآن يبقى استهزأت بمين؟ باللي انزل القرآن. هي كده قل ابالله واياته ورسوله كنتم تستهزئون لا تعتذروا. قد كفرتم بعد ايه؟ ايمانكم. يبقى اللي بيستهزأ بقى - [00:23:21](#)

اي حاجة في الشرع كفروا ولم تنفعه لا اله الا الله وده كفر اعتقادي كما قال اهل العلم. كفر اعتقادي كذلك من يستهزئ بالمتمسكين بالدين بمعنى استهزاء من الملثحي يستهزأ من المنقبات - [00:23:45](#)

نفس الحب ليه؟ لان هم دول متمسكين بالدين. ازاى يعني؟ هم ما فيش الا هم؟ في في يا سيدي في غيرهم. بس انت مش ما بتستهزأش بغيرهم مش هقول لك هم دول المسلمين وخلص لأ فيه مسلمين زيهم واحسن منهم. بس انت بتستهزأ بدول ليه -
[00:24:15](#)

لان منزهم مش عاجبك مش عاجبك منتقبة والملتحي مش عاجبينك. ليه هو كيف فتستهزئ به واحد يقول لواحد انا سمعت والله سمعتها بازني. يقول لي لحيتك دي عاملة زي فرشاة الجزم - [00:24:37](#)

طب ماشي يا سيدي انت زعلان في ايه هي زي فرشاة الجيزة. ايه اللي مزعلك انت؟ وليه تطلع الكلمة اصلا ليه اصلا لانه عامل له زي ما يكون يعني والد حبيب له وبتاع والولد سايبها ومش سايبها ملتزم ده خل بالك مش سايبها ملتزم - [00:24:56](#)
يعني الشخص ده مش ملتزم بس كان سواه سوق العربيات بتاع زمان اللي كانت بتطلع روح السواقين دي يعني مش فاضي يحلق من الاخر يقوم الراجل يقول له الكلمة دي - [00:25:17](#)

الشيعة الراجل ملتزم ويطلع مناير وبتاع لا ابدأ طب ليه كده هو كده آآ عاملة لي زي الخيمة زي الكرنبة. الله والخيمة مزعلك في ايه ورومبا مزعلك في ايه ما تسيبه - [00:25:31](#)

مراتك يا عم قمر اربعتاشر خليك في حالك وخليك مع اللي عندك وهي خيمة عاجبة جوزها وولادها صح ولا مش صح هي دي الاستهزاء بمزاهر الدين وشكل الدين يخرج ما تخليش لا اله الا الله تنفعك. ليه هم دول بس اللي بيقلوا لا اله الا الله ما احنا بنقول برضو ايوه ماشي. بس انت ما بتستهزأش الا بدول - [00:25:46](#)
التانيين ما تستهزأش بهم انت بتستهزأ بدول بس مش عاوز معناه ان هم دول بس هم الاهل لأ لأ في غيرهم اهل لا اله الا الله وبرضو. بس ليه ليه المزهري الديني اصلا محل سخريه لك - [00:26:13](#)

فنخلي بالناس من المسائل دي قوي يا اخوانا حتى اللجنة الدائمة للبحوس العلمية والافتاء فعندها فتوى تقول فيها من سب الدين والاستهزاء بشيء من القرآن والسنة والاستهزاء بالتمسك بهما والتمسك بهما - [00:26:29](#)
نظرا لما تمسك به. يعني هو لو بقى زينا مش هنتريق عليه. ومش هنعقول عليه نكت. لو بقى ايه عشان هو شكله مش شكلنا هكزا تقول. نزرا لما تمسك به كاعفاء اللحية وتحجب المسلمة هذا كفر. اذا صدر من مكلف - [00:26:51](#)

مكلف يعني ايه؟ يعني راجل عاقل وايه ومش مجنون يعني مش مجنون وينبغي ان يبين له ان هذا كفر. فان اصر بعد العلم فهو كافر. قال الله تعالى استشهدوا بنفس الاية. قل ابالله - [00:27:13](#)
واياته ورسوله. كنتم تستهزئون؟ لا تعتذروا قد كفرتم. لان الحجاب ده فيه نص نزل عند الله واللحية دي فيها نص مثلا عند الله به. يبقى انت بتستهزأ بالنص ولا بالشخص - [00:27:29](#)

طب الشخص بقى زيك يبقى مش ايه ها؟ مش هستهزأ به. لو بقى زيك لو المحجبة خلعت وتبرجت وبقت زي متبرجة ما حدش ايه وكذلك الثاني لو بقى شكله شكل الناس كلها خلاص ما حدش يستهزأ به. يبقى الاستهزاء جاي منين؟ عشان الشكل ده - [00:27:47](#)
فاحزر يا عبد الله. ومن جملة الفتاوى الفتوى ايضا سئلت اللجنة في رجلين امست احدهما بالمصحف ومزقه ورقه ورقة قطع المصحف ورقة ورقة والثاني بيدخن قام مطفي السيجارة فين؟ في المصحف. ايضا افتت بانه كافر. الة - [00:28:08](#)

هما كافر. ليه؟ لانه كده بيستخف بالاياه المصحف استخف به انت عارف يعني ايه مصحف استخف بيت اطفي به السيجارة تقطعه اه استخفي به. وبردو نفس الايه الاية استدلوها بها قل ابالله واياته ورسوله كنتم ايه؟ تستهزئون - [00:28:32](#)
اه في نكت يا اخوانا ممكن في النكتة بييجي فيها الرسول بييجي فيها واحد صالح بييجي فيها قرآن اوعى اوعى تردد نكتة فيها اي شيه بيتدين بصلة عشان الناس تضحك اوعى هو اصلا لو هتنتك يعني قل نكتة صدق تكون صادقة اصلا - [00:29:00](#)

وما تكنش احزر ان يكون فيها اي سخريه اضرب لكم على سبيل المسال زي الاحاديث الموضوعه كده. انا انا مش بقولها عشان يعني كنكتة لأ بس انا بضرط لك مسال عشان تخلي بالك يعني - [00:29:24](#)
يعني واحد مسلا عجلاتي يكتب لي على المحل خلق الانسان من عجل ده طبق كبيرة من الكبائر ما يصحش يعمل حاجة زي كده

ويجب ان يعظم واحد ثاني ما يجيبش اية مسلا - [00:29:39](#)

آآ في الاكل والشرب ها؟ اه وسقاهم ربهم شرابا طورا. واحد ثاني يجيب لي مسلا اية يستدل بها على آآ الاكل والشرب قصعة كده والاكل هنا وهنا لحمه وهنا مش عارف ايه يقوم ملففها ويقول كله مفيفالك ايه - [00:29:58](#)

عشان اللحمه تيجي عنده هو والثاني يرجع البتاع ويقول له كان ابوك فلكي ونضحك اي نكتة فيها حاجة تخص الدين اوعى ترددها. واوعى تدحك اذا زكرت امامك واذا رأيت الذين يخوضون في اياتنا - [00:30:20](#)

فاعرض عنهم حتى ايه؟ يخوضوا في حديث غيره اوعى لان ده من استهزاء بالدين. ان عظيم فيجب ان يوقر ويبجل مش مستهزئ بنصوه او اي حاجة فيه كده لأ اه ولا الرسول ولا الصحابة - [00:30:41](#)

ولا رواة الحديث والائمة التفسير ان كل دول يعتبروا هم وادين حنة واحدة لا تفصل بينهم وبين الايه؟ الدين الناقد السابع معنا الا وهو السحر السحر الساحر لا ينتفع ابدأ بلا اله الا الله الا اذا جاء - [00:31:03](#)

الا اذا تاب واللي بيتعلم السحر ما فيش ابد دم شيه اسمه تعلم سحر ابدأ هتتعلمه هتكفر اتعلموا عشان يعني اخدم المسلمين وافك لا لا هتتعلموا هتكفروا قال رب العزة سبحانه وتعالى - [00:31:32](#)

واتبعوا ما تتلوا الشياطين على ملك سليمان. وما كفر سليمان تاكلوا الشياطين على ملك سليمان طبعاً طول ما سيدنا سليمان كان عايش ما فيش واحد يجرؤ يفتح بوقه بكلمة مات سيدنا سليمان من هنا والكلام ده انا قلناها لما كنا بنتكلم عن قصص الانبياء -

[00:31:54](#)

والشياطين قالوا بقى اللي قالوه قالوا ده الملك ده كله وتسخير الجن والحاجات اللي بيعملها وتسخير الريح وكل ده بالسحر وعاوزين نوريكم اه اهو تحت الكرسي بتاعه اهوات ويطلعوا حاجات هم اللي حاطينها طلغوا حاجات ويقولوا بصوا اهو - [00:32:15](#)

واتبعوا ما تتلوا الشياطين على ملك سليمان اي من الكذب والافتراء ان سليمان عليه الصلاة والسلام كان هذا الملك اللي عنده ده باستخدام الايه؟ السحر والقرآن بينفي كل هذا. فيقول وما كفر سليمان بداية يعني. وما كفر ايه؟ سليمان. ولكن الشياطين -

[00:32:36](#)

كفروا بحاجات كتيرة كفروا كفروا بايه؟ بكزبهم على مين؟ على سيدنا وسلم. دي اول حاجة. ولكن الشياطين وكفروا بايه ثاني علمونا الناس السحر الشياطين بتعلم الناس الايه؟ السحر. الله يعني حد ثاني ممكن يعلم الناس السحر؟ لا هم الشياطين بس - [00:33:03](#)

هم الشياطين يعلموه للشياطين الانسية والشياطين الانسية تكمل مع مين؟ مع ايه؟ مع برضو الشياطين الانسية يعلمون الناس السحر وما انزل على الملكين بباب لهروت ومروت وما يعلمان اي الملكان وما يعلمان من احد حتى يقولوا انما نحن ايه - [00:33:24](#)

بيتنا يعني اختبار احزر اوعى تتعلم منا حاجة ولا تاخذ منا حاجة. اوعى تتعلم مني حاجة اوعى تاخذ مني حاجة لحد ما نمشي لحد ما ربنا ما يرفعنا ونسيبكم ونمشي - [00:33:48](#)

وما يعلماني من احد حتى يقولوا انما نحن فتنة فلا تكفر فيتعلمون منهما ما ايه؟ يفرقون به بين المرء وزوجه يفرقون او يقرب كل غضب يفرقون او يقربون واخذ بالك من الكلام؟ ما هو اللي هيتعلم التقريب هيتعلم الايه؟ اصل مش كل الناس هتيجي له وقل له

اكتب لي حاجة عشان احب زوجتي - [00:34:00](#)

ده فيه واحد ثاني هتقول اكتب لي عشان اولع فيه فمش كله هيبجي فمبسوط عاوز حب يعني هيبجي فيه ناس عاوزة ايه؟ كره فانت هتتعلم عشان تقرب يبقى لابد هتعمل ايه؟ هتفرق. اصل هو بقى لان التقريب هيبقى ما ياكلش عيش. فلازم تعرف ايه -

[00:34:35](#)

تعرف اللتين ويتعلمون منهما ما يفرقون به بين المرء وزوجه وما هم بضارين به من احد الا باذن الله الاذن هنا اذن قدري. اذن كوني. مش اذن ليس اذن شرعي - [00:34:55](#)

ليس اذن شرعي انما اذن ايه؟ قدري وما هم بضارين به من احد الا باذن الله. يعني اذا وقع ضرر فاصلا الله سبحانه وتعالى ممكن منه لكن لم يأمر به. فرق كبير قوي بين ان لان طبعاً ما فيش شيه اصلا هيقع في الكون الا بارادة الله. في حاجة تقع في - [00:35:18](#)

كون بدون ان ربنا ما يريدنا مش ممكن طبعاً انما مش كل حاجة وقعت في الكون بامرہ بامرہ اللي يقع في الكون بامرہ ده اللي يشاب عليه الناس. ان الله يأمر بالعدل والاحسان وايتاء ذي القربى - [00:35:43](#)

وينهى عن الفحشاء بس بتقع الفحشاء بامرہ ولا بارادته بارادته. انما لم يأمر بالفحشاء. لانه بينهى عن الفحشاء وينهى عن الفحشاء والمنكر والبغى. اذا وقع البغى واذا وقع المنكر وقع بارادة الله - [00:36:00](#)

لكن لم يقع بايه بامرہ سبحانه وتعالى. وما هم بضارين به من احد الا باذن الله ويتعلمون ما يضرهم ولا ينفعهم ولقد علموا لمن اشتراها له في الآخرة من خلاق ولبيس ما شروا به انفسهم لو كانوا يعلمون - [00:36:21](#)

فاخبر سبحانه وتعالى في هاتين الايتين ان الشيطان يعلمون الناس الايه السحر واخبر سبحانه وتعالى ان متعلمي السحر يتعلمون ما يضرهم ولا ايه؟ ولا ينفعهم وليس لهم عند الله من خلاق - [00:36:41](#)

تعلم السحر كفر وضلال وردة عن الاسلام قال رسول الله صلى الله عليه وسلم فيما رواه عنه ابو هريرة رضي الله عنه قال قال رسول الله صلى الله عليه وسلم - [00:37:02](#)

اجتنبوا اجتنبوا السبعة الموبقات المهلكات قلنا وما هن يا رسول الله؟ قال الشرك بالله والسحر قرن الايتين ببعض على طول الشرك والسحر طبعاً السبعة التانيين برضو نهى عنهم الرسول. وقتل النفس التي حرم الله الا بالحق. واكل الربا واكل مال اليتيم - [00:37:18](#)

تولي يوم الزحف وقذف المحصنات المؤمنات الغافلات. خلينا في الشرك والاياه لان هم متلازمين هتتعلم السحر لازم تشرك ما ينفعش تتعلم السحر من غير ما تشتكي. ليه؟ لان شرط اساسي تنفذ تعليمات الجن - [00:37:51](#)

وتعليمات الجن هيأمروك بحاجات تعملها معاصي تدبح لهم تنذر لهم تعمل حاجات لهم مخصوص كده يتقرب بها اليهم. وده عينه الايه؟ الشرك. لان الله سبحانه وتعالى قال قل ان صلاتي - [00:38:16](#)

ونسكي ومحياي ومماتي لله ايه؟ رب العالمين لا شريك له يبقى الشرك والسحر من اعظم الايه الموبقات هتتقرب للجن علشان ايه؟ ينفذوا لك حاجة. ما هو اصل خلي بالك لما ربنا سبحانه وتعالى يجمع الكفرة من السحرة من من الناس والجن - [00:38:39](#)

يقوموا يقولوا ايه بقى؟ ربنا ها استمتع بعضنا ببعض وبلغنا اجلنا الذي اجلت لنا قال النار مثواكم خالدين. الاستمتاع هنا اوعى يكون فاهم الاستمتاع يعني ده كان بينام مع ده يعني. زي ما بنسمع كده من الهلوسة. في ناس عندها هلوسة - [00:39:03](#)

القصة جامدة اوي. يقول لك كان بيقول لي كده. بيقول لاخويا معه معه ملك ملك وبيعاشرها ابني انت هتجننا ولا ايه؟ انت مخك راح فين اشير ففاهمين الاستمتاع يعني ايه ينام مع الملكة الجنية. وفلانة معها واحد. الله! ايه الحكاية - [00:39:25](#)

ايه الكلام ده يا اخوانا؟ الكلام ده لا له اصل ولا فصل عقيدة فاسدة ما فيش ارضية ما فيش تعلم مش كلامنا اصلا ده عالم وده عالم استمتع اللي وارد في الاية - [00:39:50](#)

اللي هو المصالح والمنافع المصالح اللي والمنافع اللي بينهم وبين بعض الجن بيستفيد من شركائه من الناس انه بيزن بيزود عدد الكافرين مش ابليس قال لاحتكان لاحتكن زريته الا ايه - [00:40:07](#)

ااحتكن احط للجام في حنكهم وحركهم زمن عاوز الحنك مش معناها تقول لأ طب ما الرجل الفلان ده ما فيش في بقه لجام ولا حاجة لأ هو كده. وسوس له وزين له لدرجة ان هو زي الحصان اللي فيه لجام - [00:40:37](#)

في حنكي بيحركه صاحبه كده لاحتكن زريته الا قليلا فييجي هنا الجن او الشياطين عاوزين يكتروا عدد الايه؟ الملحدين الكافرين المرتدين الفاسق المتبرجين اللي اللي الحشاشين اي عدد اي عدد يقدرنا بيكتروه - [00:40:58](#)

المبتدع المتصوف المتدروشين اي عدد فعشان يوصلوا للحاجات دي في بقى الايه ناس من الناس بتساعدهم في المهمة دي يبقى الجن استمتع بايه استمتع بكسرة الايه الاضلال طب والناس استمتع بايه؟ بالنفوز. او فلوس - [00:41:25](#)

نفوز او فلوس هو اللي بيعمل الاعمال السحرية دي بيعملها بلاش ولا بفلوس يا راجل ده اللي بيقرأ سورة ياسين كم مرة بياخذ له حوالي خمسمية جنيه وهي دي سورة ياسين. امال اللي بيعمل لك عمل بقى هياخذ كم؟ يبقى بيستفيد ولا ما بيستفيدوش -

يستفيدوا فلوس بقى ويبستفيدوا نفوز كمان نفوز ما حدش يقدر يدوس له على طرف. جزاكم الله خير بمعنى ايه؟ لو حد زعل معه مين اللي يروح يصلح الثاني اه الراجل الطيب يروح يصلح مين؟ الساحر - [00:42:13](#)

لا الساحر يخرب بيته ولا ايه يقول اللي يقوله الشارع كله عامل له حساب. البلد كلها عاملة له حساب. ايه بس انت ولا مش استمتع؟ انت راجل ما حدش عامل لك حساب ولا حاجة على قد حالك. انما دوكلها معمول له حساب. تقدر تضرب ابنه - [00:42:35](#)

يوه يخليك تخبط دماغك في الحيلة ومراتك مش عارف تروح فين تمشي يروح على شريط القطر فتعمل ايه؟ تقول له يا ابني اعمل معروف او عى تضرب ابن الواد الراجل ده - [00:42:53](#)

رح قل له حقك علي استمتع ولا مش استمتع يبقى استمتع بعضنا بايه؟ استمتع الجن بتزود عدد الكفرة والضالين. واستمتع الانس بفلوس. ونفوز تلوث ونفوز هو عاوز الاتنين وما اعرفش هم لهم دور في القرى ولا ما لهمش دور في الكورة - [00:43:08](#)

قريبته حاجة زي كده ها؟ لهم دور في الكورة يعني ممكن نعمل عمل والفريق بتاعنا يغلب مسلا لهم ولا اللعيبة متحصنين مش عارف انتم ما رضتوش حاجة زي كده ولا ايه - [00:43:31](#)

ها ما علينا الله اعلم اي احسن حاجة الله اعلم الله اعلم قوله تبارك وتعالى ومن شر النفاثات في العقد. ممكن يكون النفاسات في العقد دول ناس في وسط المسلمين - [00:43:46](#)

اللي هم اتعلموا السحر يلفثوا ويعملوا شوية اعمال يضروا المسلمين يضر المسلم وللناس بتقولوا عليهم شيخ شيخ يقول لك شيخ. الشيخ فلان يا عم ده ما دخلش المسجد ابدأ بس شيخ - [00:44:05](#)

هتقول عليه ساحر ايه مش هتخلص مش حقيقة خالص طب حكمه ايه الساحر ده بقى؟ اختلف العلماء في الساحة هل يستتاب وتقبل توبته؟ ولا يقتل ونخلص منه يقتل ونخلص منه يا الله - [00:44:25](#)

الصواب قالوا احنا هنقتل نقتله ونخلص منه لانه غير صادق في التوبة اللي ايده خدت على الحاجات دي مش صعب يتوب صعب صعب ولكن ما فيش مانع. انا اقول ما فيش مانع نعبر عليه التوبة. ربما يتوب - [00:44:46](#)

لكن لو السبب بعد ذلك يبقى ايه يقتل بس مين اللي يقتله بقى ها ولي الامر يقتله. يا الله لازم نقتله. عمر بن الخطاب رضي الله عنه صح عن حفصة ام المؤمنين - [00:45:03](#)

انها امرت بقتل جارية لها. سحرتها ام المؤمنين امرت بقتل الجارية. لانه سحرة مين؟ السيدة حافزة. ياه! لحد الدرجة دي ايوة. اكيد طبعا اليهود اللي وزوها او المنافقين اليهود مشيوا - [00:45:18](#)

يشوف حياة النبي. مش كده؟ هو اللي كان لسه فيه بقايا منهم. كان فيه بقايا منهم في خيبر عمر اللي اجلاه عمر اللي قبله شاهد ان اكيد حد من المنافقين اللي وصل - [00:45:37](#)

او وزن القرية دي تعمل سحر للسيدة ايه امرت بقتل جارية سحرتها قال الامام احمد سبت ذلك يعني قتل الساحر من غير استتابة من غير استتابة عن ثلاثة من اصحاب رسول الله عمر وجنده وحفصة رضي الله عنهم اجمعين - [00:45:53](#)

ازا لا يجوز قتله بنفسه لا يجوز لا يجوز اتيان السحرة ولا سؤالهم عن شيه ولا تصديقهم ولا اتيان العرافين لان ده يا اخواني كله مما ينقض الايمان علاج السحر بقى نبذة بسيطة عن علاج السحر يعالج بالرقى الشرعية - [00:46:22](#)

يعالج السحر بالرقى الشرعية والادوية النافعة المباحة قراءة الفاتحة والنفس على المسحور واية الكرسي وايات السحر اللي في الاعراف ويونس وطه وقل يا ايها الكافرون قل هو الله احد والمعوذتين - [00:46:50](#)

اكرر هذه الاشياء تقرأها مرارا مع الدعاء طبعا. اللهم رب الناس اذهب البأس واشف انت الشافي لا شفاء الا شفاؤك كفاء لا يغادروا سقما وتنفس عليه وترقيه ترقى المصحوب هذا - [00:47:14](#)

بسم الله ارقيك من كل شيه يؤذيك ومن شر كل نفس او عين حاسد الله يشفيك وتكررها ويكثر الناس بقى اللي عندهم سحر واللي ما عندهم من قوله من قول النبي صلى الله عليه وسلم اعوذ بكلمات الله التامات - [00:47:37](#)

من شر ما ايه؟ ما خلق. الالتزام بالرقى وازكار الصباح والمساء الحاجات دي ما حسن الزن بالله عز وجل ولا تزهبوا للسحرة ولا تذهبوا

للناس اللي هم اعتبروا الموضوع وزيفة - [00:47:56](#)

مصدر الاكل العيش وعلاج بالقرآن والساحة فيها ما فيها. انتم ادري بها مني احرص على ان تكون من السبعين الف الذين يدخلون الجنة بغير حساب ولا عذاب فيهم يقول رسول الله لا يسترقون - [00:48:15](#)

ولا يكتوون ولا يتطيرون وعلى ربهم يتوكلون لكن لو حد عاوز يرقى احدا رقية شرعية يرقيه. اما انت ما تطلبش حاجة من حد. يا اخي ارق نفسك بالفاتحة وكفى بها - [00:48:36](#)

كفى بها. اسمها الشفيق اسمها الرقية فاتحة لان الرسول عليه الصلاة والسلام قال للصحابي وما ادريك انها رقية؟ قال له ما ادرايش يعني انا عملت كده. طلعت ايه؟ طلعت الفاتحة ايه؟ ها؟ رقية. رقية بها الرجل - [00:48:55](#)

فشفي الشاهد يا اخواني ان استطعت ان تنفع اخاك المسلم انفعه اما ان انت تزهب وتدور على الناس اللي هما جعلوها السبوبة ومصدر لأكل العيش طبعاً ده بيخدش في ايمانك - [00:49:10](#)

لانك متعلق بالانسان متعلق بالشخص. وقد يكون فيها شرك قد يكون فيها شرك والرقى يشترط فيها سلاسة امور ان تكون باللغة العربية. ما فيش ركن بالانجليزي ابدا ولا باي لغة - [00:49:30](#)

قم باللغة العربية يكون من الكتاب والسنة ومن الكتاب والسنة وان يعتقد الراقي راقى يعتقد والمسترقى يعتقد ان الرقية لا تنفع بزاتها. انما الشافي هو الله سبحانه او تؤسر باذن الله لا تؤسر بزاتها. مهم اوي يا ما نخلي بالناس من الحاجات دي يا اخوانا - [00:49:46](#)

يعني ايه لا يسترقون؟ يعني لا يطلبون الرقية الشرعية ايه رغم ان اه طبعاً الرقية الشركية اصلاً مرفوضة لا يجب الا تكون موجودة اصلاً فلزام تكون الرقية ايه؟ شرعية. يعني ايه شرعية؟ يعني من الكتاب والسنة. تقرا آيات تقول احاديث ادعية. وباللغة العربية - [00:50:12](#)

ما فيهاش تمتمة ما فيهاش ان يحرك شفايفه وانا مش سامعه بيقول ايه لازم كل الكلام يبقى مسموع وباللغة العربية مش بلغة بلغة لاتينية او لغة جنية لغة عربية. واسمعه كده وهو بيدعي وهو بيقرأ قرآن كده - [00:50:43](#)

ويعتقد الراقي والمسترقى انها لا تأثير لها بزاتها وانما بامر الله سبحانه وتعالى صلى اللهم وسلم وبارك على نبينا محمد تشفاه اه هو لا يسترقى لكن يطلبها لآخر. لا المعنى واحد - [00:51:03](#)

بمعنى واحد. هو لا يسترخي لنفسه ولكن يطلبها لآخر؟ لا. المعنى واحد اللي بدل ما يطلبها من سين ما يرقيه هو يا اخوانا احنا مكبرين الموضوع ليه؟ وعاملينها وزيفة وسبوبة واكل عيش - [00:51:26](#)

وتروح يقول لك مش عارف ده ما بياخدش فلوس بس بيديك شوية علاجات كده قد ايه يقول لك الف جنيه. الله والالف جنيه ده بنلاقه فين يعني جزاكم الله خيراً - [00:51:42](#)

اخوانا مش كده مش حافظ الفاتحة؟ فيه مسلم ما عهوش فاتحة بيقرأ الفاتحة على نفسه اهله يقره عليه. ابوه وامه يقرهوا عليه اخواته يقرهوا مش حد مش حافظ المعوزات اية الكرسي اللي مش حافظ يجيب حتى المصحف يحطه - [00:51:52](#)

ويقرأ عليه ويمسح عليه ويسأل الله الشفاء والدعاء وبعدين نشوف ربما هو اصلاً مش مسحوق ربما في مصيبة تانية انما هي اللي ببيجي في بالناس ارواح للدكتور واثنتين وتلاتة ما فيش ما في خلاص يبقى آآ وجوز ما فيش سحر اصلاً - [00:52:12](#)

وجايز يكون فيه تمسيل المريض بيمشي. حاجات كتير جدا يتكلم مع حد من من اقارنه ييوح له بكل حاجة يروح لهم كل حاجة والموضوع يطلع ما فيش سحر اصلاً فالمسألة يا اخوانا محتاجة شيه من الايه - [00:52:35](#)

الفتنة لا بأس لا بأس اه مقرأ فيه او يشربها لا بأس الايه يرقيك؟ لا لا احنا بنقول لا يسترقون يعني لا يطلبوها من احد لكن هو جه زارك ولقائك تعبان - [00:52:52](#)

من حسد من سحر يرقيك لا بأس هو اللي يتطوع الراقي اللي يتطوع من استطاع ان ينفع اخاه فلينفع جاي يزورك ويعكفك وفي مشكلة فهو بيني وبعدين برضو ما فيش ما فيش مانع اقول لهم اقول له ادع لي بظهر الغيب - [00:53:14](#)

هيحل محل الرؤية واحسن كمان لان الدعوة هتبقى خالصة والدعوة بيني وبين ربي لان ممكن مع القرابة كمان خلاص ده فلان حط

ايده عليه من فلان فلان بقى ولا ايه ؟ دخل قلبي اتعلق بفلان - [00:53:33](#)

كان بيحصل معينة كده ناس كان جايبين بنتهم فيها مشكلة وانا كانت رجلي مكسورة مكسورة وفي الجيبس جايبين بالليل وراكبين

حمارة يتناوبوا عليها الكلام ده بقى له سنين يعني يتناوبوا عليها - [00:53:53](#)

اللي راكب راكب واللي ماشي ماشي اللي هي ما تستحملش الثلاثة يعني وجابوا البنية وقعدت اسأل بنية وشوف ايه اللي في البنية

واخذ بالك؟ هم جايبين على السمعة بقى طب مش ايدك عليها كده. قلت له مش ممشي - [00:54:14](#)

مش عامل حاجة خالص قلت لهم لو انا همشي ايدي عليها واخف. طب امشي ايدي على رجلي ما رجلي في الجبس اهي مش رجل

اقرب لي ما امش ايدي على رجلي - [00:54:31](#)

وبلاش جبس يا جماعة مش كده اطلبوا من ربنا ايه اللي خلاكوا تقولوا المشوار ده كله؟ اطلبوا من ربنا اقرب لكم مني ومن اي مخلوق

مشكلة الناس ان هي بتتعلق بالاشخاص - [00:54:46](#)

تعلق بالاشخاص دي مصيبة المصايب اما انا ابزلها كده من نفسي اه ماشي يعني ايه من غير ما حد يطلب مني حاجة كده من باب

المساعدة من باب الاكرام ماشي - [00:55:00](#)

انما ما حدش يطلب حاجة الا واذا سألت واذا سألت واذا مرضت واذا مرضت نعم لا بطل السحر يعني لا بطل السحر كما قال الرسول

عليه الصلاة والسلام من تصبح بسبع تمرات - [00:55:14](#)

لم يضره سحر ولا السم وعندك لا اله الا الله ميت مرة. بعد صلاة الفجر كده في اول النهار ها كانت ايه ها حرزا له. حرزا له من

الشیطان. وعندك اية الكرسي اللي وصى بها ابليس - [00:55:43](#)

والرسول وسق التوصية واذا اويت الى فراشك فاقرأ اية الكرسي فانه لا يزال عليك من الله حافظ ولا يقربك شيطان لا لا لا لا لا ورد

معين وكلام انا ما قرأتش فيها حاجة اصلا ولم اجد شيه من هذا. وكلها اجتهادات قابلة للخطأ والصواب - [00:56:05](#)

اقرأ وحصن نفسك وما هم بضارين به من احد الا لحتى بعد القرابة والحاجات دي كلها. لو حصل شيه يبقى في اذن قدري من ان الله

نسلم ونرجع ثاني نعمم اللي كنا بنعمله. ونطلب من الله ان يكشف ما بنا. هو مش الرسول صحي يا اخوانا - [00:56:36](#)

راح لبيه نرقيه ما رحش لحد مين اللي جه يرقيه جبريل الرسول راح لحد ما راحش لحد او الموضوع انتهى وقال لنا تعملوا كذا كذا

الجاؤا الى الله لا لا لا - [00:56:57](#)

احسنت احسن ان انا اوزف الاية في موضع معين لغرض معين ما فيش جمهورية من هنا اعمل ايه اه لا بأس. اه اهل بيتك اه طبعاً.

اهل بيتك اه لا بأس. ولادك زوجتك اه ماشي. ما تروحش لحد - [00:57:15](#)

وارقى عليهم وادعي لهم اقوى من الرقية يا جماعة الدعاء. امن يجيب المضطر عاوزين لحزة الاضطرار دي ندخل فيها كلنا التعبان

واللي جنبك تعبان اللي جنبني التعبان تعبنا فندخل كلنا في خندق الاضطراب - [00:57:35](#)

ونلجأ الى الله بصدق يبقى في حالة طوارئ كده. عندنا بنت في البيت تعبانة مسلا يعني اخواتها وابوها وامها وخالاتها وعماتها كله كله

حالة طوارئ ومش ليلة ولا اتنين لحد ما تفوق وتبقى حلوة. ايه المشكلة يعني - [00:57:56](#)

بين الازان والاقامة. الثلث الاخير من الليل مش دي اوقات اجابة الدعاء. ان ما استوجبتش من فلان تستجاب من فلان. تستجاب

ودعوة ودعوة المسلم لاخيه بظهر الغيب مستجابة دعوة المسلم نقيب ظهره غير مستجابة. ليه احنا سايبين الدعاء يا اخوان؟ اقوى

عبادة - [00:58:13](#)

واقوى سلاح فاحنا بنسببه ونجري شمال ويمين طيب تمام اه. ايوة آآ اللي هتوب من النفاق الا تؤمن النفاق ان نعضو عن طائفة اذا في

احتمال لو انا استهزأت باية من ايات الله - [00:58:32](#)

او استهزأت بحكم من الاحكام الشرعية. عاوز اتوب توبة مقبولة والباب مفتوح ابطل استهزاء واندم على اللي فات واعزم على ايه؟ الا

اعود والشخص اللي انتقصته زي ما الخبر اللي عندنا - [00:59:06](#)

قراؤنا اللي انا انتقصته ده وقلت عليه ارغبنا بطونا مش كده؟ اثني عليه. خلاص كده التوبة استوفت الاركان. اقلعت ندمت عزمت

تالله تتوب اه التوبة التوبة من النفاق واردة واردة واردة الانسان يتوب من النفاق ويتوب من الشرك. اه - 00:59:25
يبقى ان اعفو عن طائفة تابت نعذب طائفة لم تتب اه نعفو عن طائفة تابت ونعذب طائفة لم تتب والله اعلم يعمل ايه اه لو لو عرفت
ان فيه اه استخرجها. استخرجها - 00:59:49
يا الله راجين مخصوص ينضفوا يفتحوا التربة ويطلع! اه يجوز اه يجوز فتح المقابر واستخراج ما فيها يجوز نعم - 01:00:14